

72588

殿志 320

中 210.33

729

印 1-6

10.8

9

6

梅里志

戊寅秋


墨塘題



梅

里

志



梅里志序

嘉慶改元先大夫閣學公自栝蒼移守嘉禾時余甫弱冠隨侍郡署先大夫下車卽興除利病振文教樂造就郡之人士一時執業門下者衆如錢恬齋朱某堂丁小鶴李薌泚諸君子皆最被知賞余因得與相交契薌泚家長水之梅里往來酬接尤數值今 宮保制府師儀徵阮公視學兩浙按試禾郡詢梅里

梅里志序

朱竹垞檢討曝書亭遺構已久傾蕪與先大夫商謀重建因各捐廉規址庀材屬先大夫飭度其事次年亭成公偕先大夫親至梅里以落之余亦嘗過訪其亭所謂菱池槐泚南垞北垞者舊蹟尚存裴回久之猶可想當日風雅之勝概焉余旋供職戶曹歷詞垣先大夫在任纂修郡志某堂薌泚竝與分纂之役梅里曩有楊未孩始創志藁尚是粗就而未

加釐定其時略爲掇載郡志惜未有能竟其業者今余奉

命宣藩涖浙適薊汴補輯梅里志甫或將授梓請敘於余余惟梅里始闢於石晉至明中葉而漸盛民物殷阜俗尚淳樸已成一巨鎮其掇科第而仕宦者皆有以政績聞於時

國初人文薈萃海內稱詩者咸推朱檢討李徵士兩家而王言遠思青上沈山子諸人復

梅里志序

相應和故百餘年來其流風遺韻至今弗替不可無紀載以資考鏡薊汴爲徵士之後頗畱心鄉邦文獻是志復得續爲掇采以補其闕而里之風土民情人物掌故耳聞目見舉凡古今事勢之異察然具著於編儼若一都邑之勝吾知上諸輜軒他日有重修郡省志乘者可據此以爲徵攷而亦見我

朝治化之盛有不容於身際堪壤者如此爾

道光五年七月既望

欽命浙江承宣布政使司布政使隨帶軍功
加一級長白繼昌撰

補輯梅里志序

嘉慶庚申郡守伊小尹師以郡志久未纂修延邑人士共事編輯余與楊子文樸同預分纂之役時設局於鴛湖講院朝夕商榷得悉其尊先人未孩先生篋有梅里志因請借觀一過規模粗就尙未卒業嗣後星離雨散不復相聚甲戌余客莫釐聞文樸在桐谿病逝卽寓書於其弟文漁以是書有關里中故實勿任其散佚文漁卽檢篋見寄屬爲踵成之伯兄引樹曾加校訂余頻年羈旅四方亦未暇及此今歲暫息塵鞅杜門里居始得披校是書分門實三十有六曰鄉村所列皆去里三五里以外曰里諺僅載五六條不足以分目曰耆

梅里志補序

碩曰壽母所載殊猥瑣曰碑刻曰校讐碑刻祇數種校讐亦無甚關於稽攷今竝爲刪并山水一門載大小橫山及硤石東西山然一屬海鹽一屬杭郡之海昌地志皆以疆域爲限斷未可借材於他境故邑志俱不載今亦刪之其餘悉仍舊目而增坊表祠宇至遺聞軼事尙有未經摭采及三四十年來之人物咸爲補輯庶幾先生未竟之志得藉以成蓋梅里雖僻小而文獻之盛不遜於通都大邑然則異日上諸史館及有修郡邑志者亦足據此以爲徵信焉爾

嘉慶二十五年歲在上章執徐相月同里後學李富孫述

續刻梅里志跋

憶道光癸未間 先君子續修梅里志時 同壽 生才襁褓稍

長 先君子指而示曰此係同里楊未孩先生手輯稿本尚

在參訂而先生遽歸道山是以未甚詳備嗣取其稿重爲纂

述冗者刪之闕者補之兩閱寒暑而告成授之剞劂凡居是

里者俾各知文獻有徵 同壽 謹志之弗敢忘竊思 先君子

著作極夥書板盡藏漾葭老屋咸豐庚申粵匪竄里蹂躪叢

中不無殘缺克復後爲之悉心校對幸里志板僅少十之二

三欲謀續刻而有志未逮歲癸酉嘗命 兒子承模 往謁邑尊

陳訂堂司馬以是書呈閱司馬極口稱善許爲籌款補鑄未

梅里志續刻跋

幾司馬移任仁和遂不果今夏 兒子 復由禾中謁見秦讓卿

明府於郡志局亦以此大有系於一鎮風俗擬卽轉請郡尊

許雪門觀察給金重刻旋知已有里人稟準撥資於是私心

竊慰 同壽 方以未能盡刻先著爲憾而此志頓復舊觀可見

一書之廢舉固有數存乎其間茲屆刻成有日不可謂之非

幸也光緒三年歲在強圉赤奮若陽月後學李同壽蒼雨甫

拜手

梅里志自序

去嘉興城南三十餘里里曰梅會市曰王店長水環其外磔石大小橫山爰史諸阜亘其南有水自西而東沿洄三里曰梅谿繞谿南北闐闐煙火不下數千百家其間人材輩出政事文章彬彬極盛擬諸通邑大都焉而園林第宅浮屠老之宮參錯郊野間者廢興不一攷信無從余竊憾之康熙初杜宗伯遇徐里人也王尙書阮亭送其南歸詩云亦欲投簪東海去便從梅里問幽棲金榮箋註則曰陸廣微吳地記仲雍卒葬梅里注又名番麗今橫山惠棟訓纂則曰路史國名紀梅里在蓋閭城北五十里輿地志吳築城梅里平虛卽此

梅里志原序

引證之繆由未見至元嘉禾志耳而吾里之好事者乃謂里中之響鈴墳卽仲雍墓悠繆之談余尤懼焉年來客桐谿課讀之暇不揆禱昧輒箋鄉先輩朱太史竹垞詩凡見載籍中有單辭隻字涉吾里者亟爲鈔撮暫歸里門卽往荒墟古刹遇有殘碑斷碣手錄以歸會稗之分四十門合十二卷名曰梅里志蓋稿屢脫而發凡亦幾經更定矣聞朱太史昔曾欲輯里志未果後屬門下顧松壑且語與蓮西共成之卒亦未就今距太史歿又六十餘載其遺文不知散軼幾許而故老亦畧盡矣余不敏敢自附作者之林惟是鄉里文獻見遺於志乘者不忍視其湮沒亦詩人桑梓敬恭之義也世之覽者

尙其諒余之心而匡余所不逮是則余之厚幸也夫
乾隆三十有八年歲在昭陽大荒落元月中澣四十二間廊
底客楊謙書

續修梅里志序

里志創議於竹垞老人纂修於楊氏未孩增輯於李氏鄉社相去各數十年迄今又數十年矣中經衰亂梨棗剝蝕蕪泚子蒼兩思補刊之而未果也夫修志難鄉僻之區視都會爲尤難兵燹之餘視承平爲尤難通都大邑人物蔚起徵文考獻網羅易集而不然者病於孤矣兵革不興間井晏然耆舊傳聞流爲故實而不然者患於湣矣里處郡邑之南穀布交易士多寓公復經髮逆騷擾園亭街巷慨焉滄桑余先後涉足凡三十年舊時遊釣之所談讌之侶已幾幾乎不可復識矣今年春郡尊許雪門太守興修府志檄駐里沈小槎貳尹

梅里志續補序

籌捐經費遂邀毛雲達沈伯淵李小康李硯雲並王鑄言陳聯卿兩同年及嘯松舍弟相與轉勸時舍弟輯梅里殉難錄甫竣因多方采輯以續成之卽請郡局撥貲以付剗劂雖不敢謂竟無遺漏而不得謂非有意紹述者余適歸自南海風雪歲暮庭鮮履綦爲之校閱一過並誌數語以列簡端時此

緒二年冬十二月

賜進士出身翰林院庶吉士余弼謹撰

補輯梅里志凡例

一原志序云分四十門然自治草至詩話實僅三十六門今刪去鄉邨里諺耆碩壽母校讐以先達易仕宦太學易雜選贈恩蔭并爲封廕而加增坊表祠宇蠲恤凡二十二門

一原志科第有表薦辟明經雜選均未列表今並依科第爲表以歸一例

一原志一人有兩見如蔣薰旣入先達復入孝義范路入孝義又入隱逸朱茂曙顧仲清旣入文苑又入藝術李宗仁旣入孝義又入文苑皆與史體不合今並爲刪併

梅里志凡例

一原志尙未卒業每門亦無小序兼有采錄他書隨手補綴不免冗複舛錯今悉刪正以就簡覈

一先生卒於乾隆乙巳迄今已三十餘年凡事在乙巳以後者皆爲補入并許燦梅里詩輯春風錄及伊府志司縣志等書亦並輯補

一原志各傳於每人著作未能一例盡載今並刪去統覓於著述門以省繁複補輯各傳亦同

一里中爲人文之藪其有列傳不能盡載則以其詩文等集備載於著述門亦可畧見其梗概以藉爲闡揚云

一余生旣晚又自壯歲遠游故老俱已凋謝里中遺聞軼事

未能盡悉今增輯此書賴諸同志共商訂之

梅里志凡例

梅里志目錄

卷一

沿革

疆域

山水

卷二

古蹟

坊巷

坊表

橋梁

卷三

寺觀

卷四

寺觀

卷五

梅里志目錄

寺觀

祠宇

卷六

園亭

第宅

卷七

墓域

義冢

蠲卹

物產

風俗

卷八

科第

薦辟

明經

雜選

封蔭

卷九

仕宦

孝義

卷十

文苑

隱逸

卷十一

藝術

釋道

流寓

卷十二

節烈

卷十三

節烈

卷十四

節烈

閩秀

卷十五

梅里志目錄

著述

卷十六

著述

碑刻

卷十七


舊聞


卷十八

詩話

梅里全圖

梅里全圖





梅里全圖

里人張修寫

梅里在縣南三十六里舊邑志稱一方都會南界海昌境十里東界海鹽境五里西北界秀水境十里西南界桐鄉境十里北界新塘橋十里廣袤約二十里四隅以此為限而支河橋梁竝藉以表識焉

梅里志卷第一

里人楊謙纂 李富孫補輯 余楙續補

李保宸參校

沿革

〔補〕梅里秦漢屬由拳吳爲嘉興唐時隸蘇州至錢武肅王置嘉興鎮設鎮遏使一人時王逵居此爲王店鎮之始宋初以嘉興隸浙西路明吳元年屬直隸洪武間改隸浙江而梅里之稱以達環植梅花因名焉

梅里在嘉興縣南三十六里大彭嘉會二都之間市曰王店爲古揚州域周屬吳南境及越滅吳地歸越周末楚威王取

梅里志卷一 沿革

越地屬楚秦始皇二十五年置長水縣屬會稽郡東巡掘汙長水徙今治改名由拳二世元年項氏據爲西楚地漢高祖三年立兄賈爲荆王地屬之十一年賈誅復立會稽郡十二年封賈子濞爲吳王地屬吳吳廢復隸會稽東漢永建四年分浙西爲吳郡屬吳三國吳大帝黃武四年割出孝海鹽二縣地爲鹽官縣黃龍三年由拳野穀生改爲禾興因以紀年赤烏五年避太子禾諱改禾興爲嘉興梁人清二年嘉興隸吳州隋文帝開皇九年罷吳州改吳郡爲蘇州陸錢塘爲杭州廢嘉興入錢塘屬杭州唐武德七年復置嘉興屬蘇州八年嘉興又廢唐太宗貞觀元年復嘉興縣仍屬蘇州隸江南